



Qeqqata Kommunia

KOMMUNIP ATAATSIMORUSSAMIK SANNAVIINI MALERUAQQUSAT.

Atuuffik.

Maleruaqqusaq una illoqarfinni taamatullu nunaqarfinni ataatsimoorussamik sannavinnut taamatullu qaqitsivinnut Qeqqata Kommunianit pigineqartunut ingerlanneqartunullu atuupput.

Ataatsimoorussamik sannaviit kikkunnit atorineqarsinnaappat?

Malittarisassaq una malinneqartillugu, Qeqqata Kommuniani ataatsimoorussamik sannaviit innutaasunit tamanit atorineqarsinnaapput. Innuttaasunit allanit sannavik atorineqartarnera atuisunit akuersaarneqassaaq, taamatullu atuinerminni imminnut eqqarsaatigisassallutik.

Ataatsimoorussamik sannavinnik atuneq atuisunit nammineq akisussaaffigineqassaaq. Atortunik arlaatigut ajutoortoqartillugu imaluunniit atortuutit ataatsimoorussamik sannavimmiitinnegartut allanit ajortumeerneqarsimatillugit, ataatsimoorussamik sannavimmiluunniit atortuutit kukkusumik atorineqarsimatillugit amigaateqartillugilluunniit kommuni taarsiisussaataitaanngilaq.

Aalisarnermut piniarnermullu atortunut, umiatsiaaqqanut 20" ataallugit angitigisunut, aquuterallannut, qamutitut, qassutitut allunaasaqutinullu sannaviit atugassiaapput. Sannaviit angallatinut soorlu biilnut, ATW-nut qamuterallannulluunniit iluarsaassivittut atorineqaaqusaanngillat.

Ataatsimoorussamik sannaviit qanoq atorineqassappat?

Atuisut tamarmik sannavimmik atuereernerme kingorna torersaanissamik pisussaafitaapput. Atuisunut allanut atortut akornutaaqqunagit sakkut atortuullu allat sannavik qimatsinnagu inaalinneqassapput.

Isaarissamut majoriaq, isertarfimmut majuartarfiit, matut qimmaaffissiat, inaallagissamut atortoq, kiassarnermut aqqut, qatserutit allalu sannavimmik atoruminarsaataasinnaasut tigoriaannarmiitinneqassapput, atortunilluunniit arlaannit assersimaneqassanatik.

Ikuallattoorsinnaaneq atuisullu allat eqqarsaatigalugit siliginerni (moriinermi) pujoralammut taamatullu pujoralaqarpallaartitsinnginnissaq eqqarsaatigalugu pujoralaajaat støvsugeri atorineqassaaq.

Natip quasatsinnginnissaa pillugu sannavimmi aalisakkanik piareersaanermi, neqitsersuutissanik aassiinermi imaluunniit pisanik pilatsivittut atoqqusaanngilaq. Atortut sakkullu allat iluarsartuussinermi atorreqartut kisimik sannavimmiitinneqarsinnaapput.

Sukuluiaatit imerpalasut ikuallassinnaasut, qalipaatiillu ikumasinnaasut assigisaallu annerpaamik 5 liiterit sannavimmiitinneqarsinnaapput, aammalu puuaniitsillugit aarlerinangitsumut inissinneqarsimassallutik.

Iluarsagaq naammassilluni annineqarpat, atuisup atortut sakkut eqqagassallu tamaasa peerlugit torersaaqqaassaaq.

Ataatsimoorussamik sannavinni maleruaqqusat.

Peqqinnissaaq, atuisut allat taamatullu ikuallattoortoqarsinnaanera eqqarsaatigalugu sannavinni pujortarnej sukannersumik inerteqqutaavoq.

Aallaasinik imassanik sannavinniititsisoqqaqusaanngilaq.

Ataatsimoorussamik sannavinni imigassanik aalakoornartulinnik atueqqusaanngilaq, taamatuttaaq imigassanik anngajaarniutinilluunniit sannavinniititsineq inerteqqutaavoq.

Sannavimmi aningaasanoortoqqaqusaananilu nalilinnillu inukkattoqqaqusaanngilaq.

Malittarisassanik unioqqutitsineq ingerlaannartumik peersitaanermik kinguneqassaaq.

Ataatsimoorussamik sannavinnik atuinermi akit.

Ataatsimoorussamik sannavinnik atuinermi akit, matuersaatinut qularnaveeqqutit allallu kommunip akigititaani takuneqarsinnaapput.

Ataatsimoorussamik sannaviit qaqugukkut ammasarpat?

Najugarisami ammasarfiit, matuersaatinik aallerfissat imaluunniit utaqqisunut inniminniiniarnermi, umiatsiaaqqanut qassinut inissaqarnera allallu pillugit innuttaasunut paasissutissat ataatsimoorussamik sannaviit nivinngaaviini nivingapput.

Saaffiginnittarnej.

Sannavinni maskiinanik pequtinilluunniit atasunik ajoquteqartoqarnera amigaateqartoqarneraluunniit paasineqarpat, tamanna najukkami nakkutilliisunut saaffiginnissutigineqassaaq.

Oqarasuaat saaffiginniffissarlu ataatsimoorussamik sannaviit nivinngaaviini takuneqarsinnaapput. Atuisut nammineerlutik ajoqutinik amigaatinilluunniit iluarsiiniassanngillat.

Kommunip ataatsimoorussamik sannavii pillugit nalinginnaasumik uunga saaffiginnissutigineqassapput Qeqqata Kommunian Box 1014, 3911 Sisimiut, e-mail qeqqata@qeqqata.gl imaluunniit oqarasuaat 702100 imalt. telefax 702177

Atuutsitsineq.

Iluarsartuussinermi atortut atortussalluunniit piginnittup aqqanik ersarissumik ilisarnaaserneqarsimassapput. Atortut pigisalluunniit ilisarnaaserneqanngitsut qimaannarneqarsimasulluunniit piiarneqassapput. Sannaviit tallimangornerit tamaasa misissorneqartassapput, pisariaqarpallu eqqiarneqassallutik. Atuisoq atuereernerup kingorna eqqiaasimangippat, tamanna atuisumut akiligassangorlugu kommunimit isumagineqassaaq.

Umiatsiaaqqat, motorit, piniarnermut atortut, qamutit allallu iluarsartuussinermut atortut sivilunerpaamik sapaatip akunneri pingasut sannavimmi inissisimatinneqarsinnaapput. Maleruaqqusaq unioqqutillugu atortussanik atortuutinilluunniit uninngaannartitsisoqarpat, imaluunniit silataani aqqutissamut akornutaasussangorlugit inissinneqarsimasut, piginnittumut siumut kalerriutigeqqaarnagu peerneqassapput.

Atortuulernerá

Maleruaqqusaq atortuulerpoq kommunalbestyrelsimi akuersissutigineqarnerminiit qaammatisiutit ulluisa 30-t qaangiunnerani. Taamaalilluni Qeqqata Kommuniani Kommunalborgbestyrelsimit ulloq 28. Maj 2015 akuersissutigineqarpoq.



Herman Berthelsen
Borgmesteri



Paneeraq Olsen
Kommunimi Pisortaaneq

Kommunimi eqqaanermut maleruaqqusaq naapertorlugu igitassanik eqqaaneq ingerlanneqassaaq. Kommunimi puttasunik atuinerimi maleruaqqusaq naapertorlugu ataatsimoorussamik sannavinni puttasut atorineqassapput. Kommunerisamut saaffiginninnikkut kommunimi maleruaqqusat akigititallu paasinarneqarsinnaapput, imaluunniit nittartakkakkut www.qeqqata.gl.-imut alakkarneqarsinnaapput.